



Broj: 05/7-39-1-178-61/20

Sarajevo, 29. 7. 2020.

Z A P I S N I K

61. sjednice Vijeća nacionalnih manjina BiH, održane 27. 7. 2020.

Sjednica Vijeća nacionalnih manjina BiH počela je u 15 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Davor Ebner, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Nedžad Jusić, Tijana Vučurević, Marija Grbić, Hakan Varan, Eva Pašić-Juhas, Mladen Radmilović, Halil Bicaj, Jakob Finci, Dejan Piotrovski i Vjeročka Gajić.

Sjednici su, također, prisustvovali: Enver Bogućanin iz Sektora za odnose s javnošću Sekretarijata Parlamentarne skupštine BiH i Aida Kreho, sekretarka Zajedničke komisije za ljudska prava.

Za sjednicu je predložen sljedeći

D N E V N I R E D

1. Usvajanje Zapisnika 60. sjednice Vijeća nacionalnih manjina BiH;
2. Informacija Centralne izborne komisije BiH o prijavama pripadnika nacionalnih manjina za općinska/gradska vijeća za Lokalne izbore 2020. godine;
3. Informacija Ministarstva za ljudska prava i izbjeglice BiH o Preporukama Vijeća Evrope o uključivanju historije Roma i/ili putnika u školske programe i nastavna sredstva;
4. Informacija Ministarstva za ljudska prava i izbjeglice BiH o aktivnostima na izradi Akcionog plana za Rome 2021 – 2025. godine;
5. Tekuća pitanja.

Ad.1. Usvajanje Zapisnika 60. sjednice Vijeća nacionalnih manjina BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda, u kojoj su učestvovali Nedžad Jusić i Jovanka Manzalović-Šalaka.

Nedžad Jusić ukazao je na činjenicu da je zapisnički konstatirano:

„Usvojeno je da predlagač Nedžad Jusić dostavi Vijeću u pisanoj formi prijedlog u kojem će biti tačno definirano kako bi se ta sredstva od 50.000 KM trošila, rasporedila, a koji bi nakon usvajanja bio dostavljen Zajedničkoj komisiji za ljudska prava na daljnje razmatranje. Nakon toga je odlučeno da Vijeće nacionalnih manjina BiH na jednoj od narednih sjednica razmatra navedeni prijedlog, tj. da bude jedna od tačaka dnevnog reda“, kao i da je navedeni dio teksta potrebno brisati jer o spomenutom prijedlogu nije glasano.

Nakon toga, Zapisnik je jednoglasno usvojen, uz navedenu sugestiju.

Ad.2. Informacija Centralne izborne komisije BiH o prijavama pripadnika nacionalnih manjina za općinska/gradska vijeća za Lokalne izbore 2020. godine

Predsjedavajući je konstatirao da je zahtjev za dostavljanje podataka o prijavama pripadnika nacionalnih manjina za općinska/gradska vijeća za Lokalne izbore 2020. godine upućen Centralnoj izbornoj komisiji BiH, ali da do početka sjednice ti podaci nisu dostavljeni. U raspravi povodom toga učestvovali su Nedžad Jusić i Marija Grbić.

Nakon završetka rasprave, članovi Vijeća su jednoglasno podržali da se navedena tačka skine s dnevnog reda i odgodi rasprava o navedenoj temi do dostavljanja tražene informacije.

Ad.3. Informacija Ministarstva za ljudska prava i izbjeglice BiH o Preporukama Vijeća Evrope o uključivanju historije Roma i/ili putnika u školske programe i nastavna sredstva

Predsjedavajući Vijeća je, s obzirom na izostanak predstavnika Ministarstva za ljudska prava i izbjeglice BiH, predložio da se navedena tačka skine s dnevnog reda, uputi zahtjev za dostavljanje pisane informacije o *Preporukama Vijeća Evrope o uključivanju historije Roma i/ili putnika u školske programe i nastavna sredstva* od nadležnog ministarstva, te da se odgodi rasprava do dostavljanja informacije i prisustvovanja predstavnika Ministarstva za ljudska prava i izbjeglice BiH sjednici Vijeća.

Nakon rasprave u kojoj su učestvovali Tihomir Knežiček i Nedžad Jusić, članovi Vijeća su, sa 17 glasova „za“ i jednim glasom „sadržan“, prihvatili ovaj prijedlog i odredili rok od 15 dana u kojem bi nadležno ministarstvo trebalo da dostavi traženu informaciju.

Ad.4. Informacija Ministarstva za ljudska prava i izbjeglice BiH o aktivnostima na izradi Akcionog plana za Rome 2021 – 2025. godine

Predsjedavajući Vijeća je, kao i za prethodnu tačku dnevnoga reda, konstatirao izostanak predstavnika Ministarstva za ljudska prava i izbjeglice BiH, te je predložio da se s dnevnog reda skine navedena tačka, uputi zahtjev za dostavljanje pisane informacije o *aktivnostima na izradi Akcionog plana za Rome 2021 – 2025. godine*, te odgodi rasprava do dostavljanja

informacije i prisustvovanja predstavnika Ministarstva za ljudska prava i izbjeglice BiH sjednici Vijeća.

Članovi Vijeća su, sa 17 glasova „za“ i jednim glasom „sadržan“, prihvatili ovaj prijedlog i odredili rok od 15 dana u kojem bi nadležno ministarstvo trebalo da dostavi traženu informaciju.

Ad.5. Tekuća pitanja

U okviru ove tačke dnevnog reda zadužen je Ured sekretara Zajedničke komisije za ljudska prava da do naredne sjednice Vijeća prikupi informacije o preostalim finansijskim sredstvima Vijeća i mogućnostima njihove prenamjene.

Također, sekretarka Zajedničke komisije informirala je članove Vijeća o procesu izrade novog teksta Odluke o osnivanju Vijeća nacionalnih manjina BiH.

Konačno, dogovoreno je da sljedeća sjednica Vijeća bude održana u prvoj polovini augusta, odnosno u periodu od 9. do 14. 8. 2020. godine.

Sjednica Vijeća nacionalnih manjina BiH završena je u 15.30 sati.

Sastavni dio Zapisnika je tonski snimak 61. sjednice Vijeća nacionalnih manjina BiH.

**Sekretarka Zajedničke komisije
za ljudska prava
Aida Kreho**

**Predsjedavajući
Vijeća nacionalnih manjina BiH
Andrija Svatok**